



BARAZA LA WAWAKILISHI – ZANZIBAR

ORODHA WA SHUGHULI ZA LEO

BARAZA LA KUMI LA WAWAKILISHI

MKUTANO WA PILI

Kikao cha Pili – Tarehe 11 Februari, 2021.

Kikao Kitaanza Saa 3.00 (Tatu) Asubuhi
na Dua zitasomwa.

I. MASWALI:

Ofisi ya Makamu wa Pili wa Rais Sera, Uratibu na Baraza la Wawakilishi:

33. MHESHIMIWA HASSAN HAMAD OMAR (Jimbo la Kojani) -
Ataamuuliza Mheshimiwa Waziri wa Nchi, Ofisi ya Makamu
wa Pili wa Rais Sera, Uratibu wa Baraza la Wawakilishi :

Ofisi yako iliweka Daftari la Kudumu la wapiga kura, na
kufanya uboreshaji wa daftari kwa wale ambao walikuwa
hawajafikia umri wa kupiga kura na sasa tayari wamefikia umri
wa kupiga kura.

- (a) Je, uboreshaji wa Daftari la Kudumu hutakiwa kutolewa
kwa yule ambaye tayari alikwisha kuwemo ndani ya
daftari.
- (b) Je, kigezo gani kilichotumika kuwatoa wapiga kura
waliotangulia kuwemo ndani ya Daftari la Kudumu la
wapiga kura.

- (c) Je, utalitatus vipi suala hilo ili kuepusha ukiukwaji wa haki za wapiga kura katika uboreshaji wa Daftari katika chaguzi zinazokuja ndani ya nchi yetu.

Ofisi ya Rais, Katiba, Sheria, Utumishi na Utawala Bora:

27. MHESHIMIWA SALMA MUSSA BILAL (Nafasi za Wanawake) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi na Utawala Bora:

Moja kati ya mambo muhimu katika dhana ya utawala bora ni kuhakikisha masuala ya watumishi wa umma yanawekwa vizuri sambamba na kutunziwa mafaili na kuwekewa kumbukumbu zao ipasavyo ili kuondoa usumbufu wakati wa kustaafu.

- (a) Je, ni mara ngapi Wizara imepita katika Ofisi za Serikali kuhakikisha kwamba kumbukumbu zote za watumishi zinatunzwa ipasavyo.
- (b) Je, ni Ofisi ngapi mmeshazipitia ili kujiridhisha na utunzaji wa kumbukumbu.

Ofisi ya Rais, Tawala za Mikoa, Serikali za Mitaa na Idara Maalum za SMZ:

20. MHESHIMIWA ABDALLA ABASI WADI (Jimbo la Nungwi) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Wakati wa Kampeni Mhe. Mgombea Urais wa Zanzibar kupitia Chama cha Mapinduzi aliwaahidi wananchi (wapiga kura) juu ya ujenzi wa barabara za ndani. Kwa kuwa jimbo langu lina njia nyingi zilizoingia ndani ya mahoteli ya kitalii.

Je, Wizara ina mpango gani wa ujenzi wa barabara hizi hasa ukizingatia utalii ndio nguzo muhimu kwa wananchi wetu.

Ofisi ya Rais, Kazi, Uchumi na Uwekezaji:

26. MHESHIMIWA SALMA MUSSA BILAL (Nafasi za Wanawake)
- Atamuuliza Mheshimiwa Waziri wa Nchi, Ofisi ya Rais, Kazi, Uchumi na Uwekezaji:

Mfuko wa uwezeshaji wananchi kiuchumi umekuwa ukitoa mikopo kwa vikundi na wananchi mmoja mmoja ili kuwakwamua kiuchumi.

- (a) Je, baada ya kutoa mikopo hiyo, mmeweza kuwarudia wakopeshwaji na kufanya tathmini ni kwa kiasi gani wananchi hao wamefaidika na mikopo hiyo.
- (b) Na kama mmefanya hivyo, mikopo hiyo inakwenda kwa faida au kwa hasara.
- (c) Ni asilimia ngapi ya mikopo imekwenda kwa faida na asilimia ngapi imekwenda kwa hasara.

Wizara ya Ardhi na Maendeleo ya Makaazi:

54. MHESHIMIWA HAJI SHAABAN WAZIRI (Jimbo la Uzini)
Atamuuliza Mheshimiwa Waziri wa Ardhi na Maendeleo ya Makaazi:

Pamoja na dhamira nzuri ya Serikali yetu ya kuwapatia wananchi wake maeneo ya eka kwa ajili ya matumizi ya kilimo, bado imeonekana kuna changamoto nyingi hujitokeza kwa wananchi na hatimae eka hizo kuingizwa katika suala zima la kurithishana familia kinyume na utaratibu wa Sheria.

Je, Serikali haioni haja ya kutoa elimu juu suala hilo ili kusaidia kupunguza migogoro ya ardhi katika maeneo ya eka.

Wizara ya Elimu na Mafunzo ya Amali:

4. MHESHIMIWA BAHATI KHAMIS KOMBO (Jimbo la Chambani) - Atamuuliza Mheshimiwa Waziri wa Elimu na Mafunzo ya Amali:

Kumekuwa na upungufu mkubwa wa walimu katika skuli ya Dodo, Shehia ya Dodo, Jimbo la Chambani ambapo kuna walimu kumi na moja (11) tu wakati skuli hiyo ina wanafunzi 1,170 ambao hulazimika darasa moja kuwa na wanafunzi kati ya 86 mpaka 88 na maandalizi 139.

- (a) Je, Mhe. Waziri kuna utaratibu gani wa kuwasaidia walimu hawa angalau waweze kusomesha kwa ufanisi zaidi.
- (b) Je, Darasa kuwa na wingi huu wa wanafunzi inakubalika.

12. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Elimu na Mafunzo ya Amali:

Miongoni mwa malengo ya Bajeti ya mwaka 2020/2021 ya Wizara ya Elimu na Mafunzo ya Amali ni kuimarisha huduma za Dahalia kwa kuzipatia usafiri na chakula kwa wanafunzi.

- (a) Je, lengo hilo limefanikiwa kiasi gani hadi sasa.
- (b) Je, Dahalia ngapi zimepatiwa usafiri.

Wizara ya Maji, Nishati na Madini:

50. MHESHIMIWA SABIHA FILFIL THANI (Nafasi za Wanawake)- Atamuuliza Mheshimiwa Waziri wa Maji, Nishati na Madini:

Hivi karibuni kulikuwa na matatizo ya mtandao wa simu "EzyPesa" iliyopelekea huduma za umeme zinazolipwa kwa njia ya mtandao kukosekana na vituo vya kulipia kwa kawaida ni kidogo sana.

Je, Shirika la Umeme (ZECO) halioni ipo haja ya kuweka vituo vyengine hata vya dharura iwapo tatizo litajirudia.

Wizara ya Ujenzi, Mawasiliano na Uchukuzi:

14. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Ujenzi, Mawasiliano na Uchukuzi

Napenda kuipongeza Serikali kwa juhudi zake za ujenzi wa miundombinu hasa ya barabara. Pamoja na juhudi hizi, wananchi wa maeneo ya Kitundu hadi Mkanyageni wamekuwa wakipata usumbufu na ajali kutokana na mashimo makubwa katika barabara ya Mfenesini hadi Mwera katika eneo la Kitundu/Mkanyageni.

Ni lini Serikali itaifanyia matengenezo makubwa barabara hiyo.

Wizara ya Kilimo, Umwagiliaji, Maliasili na Mifugo:

3. MHESHIMIWA BAHATI KHAMIS KOMBO (Jimbo la Chambani) - Atamuuliza Mheshimiwa Waziri wa Kilimo, Umwagiliaji, Maliasili na Mifugo:

Wananchi wa Kimbuni walitembelewa na Mhe. Rais katika mashamba ya Kimbuni na kupewa ahadi ya kuchimbiwa kisima cha umwagiliaji lakini mpaka leo bado ahadi hii haijatekelezwa na muda umekuwa mrefu sana.

- (a) Je, ni lini ahadi hii itatekelezwa.
- (b) Je, ni lini utakwenda kuwatembelea wananchi hawa wa kilimo cha umwagiliaji na kujua changamoto zao.

II. HOJA ZA SERIKALI

Waziri wa Nchi, Ofisi ya Makamo wa Pili wa Rais:

Mjadala wa Hotuba ya Uzinduzi wa Baraza la Kumi la Wawakilishi iliyotolewa tarehe 11 Novemba, 2020 na Mheshimiwa Rais wa Zanzibar na Mwenyekiti wa Baraza la Mapinduzi.

Zanzibar,
11 Februari, 2021.

(Raya Issa Msellem)
KATIBU WA BARAZA.